

et in primo statim ingressu ante omnia vellent operam dare fœdæ libidini. Si non, parum tamen prudentes, casti, eautique significantur, qui domum mulieris impudicæ intrant.

R. 1. exploratores facile ignorare potuisse, Rahab esse meretricem; puta quia eo signo, habitu, et specie non erat, qua apud Hebraeos et Ægyptios esse solebant. Unde quomodocum, Gen. XXXVIII, 16, ex eo quod faciem texisset Thamar, eamdem meretricem suspicatus est Judas: ita e contrario, quia tecta non erat Rahab, vel certe cultu aut vultu illo non erat, qui meretricibus, quas vel viderant vel audierant, in usu esse solebat, de ipsa tale nihil suspiciatur sunt.

R. 2. Quamvis novissent esse talem, non ad eam tamen peccandi causa diverterunt; sed quia in urbe illis latendum alicubi erat, nusquam vero latebra commodior esset, quam in ea domo, que habebat e mœlibus exitum, ideo ad eam diverterunt, ut sic, casu quo urgeret necessitas, exilire illinc possent. Nullum itaque hic fuit periculum peccati, quia nempe ipsorum occupatio festinatio, et trepidatio omnem prouersus lasciviam excludebat.

Obj. IV. Vox hebraica *Mazon* significat escam et cibum omnis generis; ergo hebraum *Zonah*, quo appellatur Rahab, significat ciborum paratricem et venditricem, sive hospitalarium.

R. Neg. conseq. Nam ex Prob. I satis liquet, quod verbum illud in Scriptura non soleat significare, nisi mulierem fornicariam seu meretricem. Præterea etiamsi Rahab fuisset hospitalaria, prout eam fuisse dicit Paraphrasis chaldaica supra cit, inde nihil concluditur contra nos: nam in hoc supposito commode dici potest cum Estio et aliis, quod apud gentiles, qui simplicem fornicationem non reputabant esse peccatum, mulieres exercentes cauponariam, simul etiam prostitutione sui corporis questum facerent.

Obj. V. Lib. III Reg. III, 16, ubi dicitur quod venerint duæ mulieres meretrices ad regem Salomonem, in hebræo loco vocis *meretrix* habetur *Zonah*; atqui tamen vox *Zonah* ibidem non significat meretrices proprie dictas seu mulieres fornicarias; ergo, etc.

Prob. min. Quia si illæ mulieres fuissent meretrices proprie dictæ, Salomon non potuisset eas dimittere impunitas; siquidem tales puniendas præcipit lex Deut. XXIII, 17, ubi dicitur: *Non erit meretrix de filiabus Israel, nec scortator de filiis Israel.*

R. Neg. min. Et ad prob. dico quod, licet lex Deuter. prohibeat esse meretrices ac scortatores, tamen inde non sequatur quod omnes tales debuerint puniri poena publica seu per judices: nam et in lege ova prohibentur meretrices, et tamen non omnes puniuntur poena publica, etiamsi tanquam tales a judicibus sepe noscantur. Et revera quod in vet. lege non desuerint saltem privatæ apud Judeos meretrices et scortatores, qui tamea non semper puniebantur poena publica, tametsi ut tales noscerentur, tum ex supra cit. cap. XXI Levit., tum ex historia Jepheth Jud. XI, 1, ac aliis Scripturæ locis satis manifestum videtur.

Inst. Meretrices non solent concipere, nec habere prolem; atqui tamen mulieres quæ accesserunt Salomonem, habebant prolem, de qua coram ipso contendebant, ut patet ex cit. cap. lib. III Reg.; ergo illæ mulieres non erant proprie dictæ meretrices.

R. maj. forte esse veram de illis, que passim multis et cuilibet quotidie adventanti sua corpora prostituant; at id non est verum de istis, que non passim, et multis, sed tantum hinc et inde, ac pateris copiam suorum corporum faciunt: nam et tales perinde ac uxores non raro concipere et parere nullus negat. Ac profunde ex eo, quod prædictæ mulieres laborint prolem, nequaquam evincitur eas non fuisse meretrices.

QUESTIO II. — AN RAHAB HIC GRAVITER PECCAVERIT.

Cap. II, 1: *Nuntiatumque est regi*, quod scilicet Rahab suscepisset exploratores, idque vel eadem die qua advenierunt, ut vult Serarius, vel die sequenti, postquam jam urbem lustraverant, vesperi delati sunt, ut vult Cajetanus.

¶ . 4: *Tollensque mulier viros, abscondit, et ait: Facto venerunt ad me, sed nesciebam unde essent. Calvinus citatus apud Tirinum, vult Rahab hic sepius mentitam fuisse, sed tamen non peccasse: Tremellius et Junius Calvinus assecla, nequidem mentitam illam volunt, sed quasi de aliis, qui ante ad se diverterant, locutam.*

Nihilominus ex ¶ . 4 et 5 nimis manifesta sunt quatuor ejus mendacia, quam ut celari vel excusari queant. Unde S. P. Aug. lib. cont. Mendac., cap. 15 et 17 diserte asserta eam mentitam.

Porro quamvis civibus suis mentita sit quadruplici mendacio, illis graviter perniciose, non ideo tamen graviter peccavit, ut patet ex eo quod subjungat.

¶ . 9: *Novi quod Dominus tradiderit vobis terram. Noverat ex mirabilibus, quæ de Israëlitis passim sparcebantur, et ex illustratione divina: ejus enim fides commendatur ab Apost. ad Heb. XI, 31.*

Irruit in nos terror vester, non naturalis tantum, sed etiam a Deo immissus; quod promissum fuerat Levit. XXVI, 56.

Cum itaque ex Dei revelatione seu instinctu sciret gentem suam a Deo jam proscriptam, et Hebreis traditam terram, certoque ab ipsis capiendam, se ac suos parentes, atque amicos in tuto collocare voluit, fortissima fide ac pietate pro Deo, pro Hebreis, pro parentibus morti se objiciens: qua fide, et pio fortitudinis ac charitatis opere eam fuisse justificatam, docet D. Jacobus cap. II, 25.

P. cur Deus inter agmen Israëlitarum, et arcum illud præcedentem voluerit intercedere spatium duorum millium cubitorum, ut dicitur cap. III, 4.

R. Ob varias rationes. 1. Ut honor ipsi arce, et sacerdotibus ejus, bajulis major deferretur. 2. Ut Deus, qui per arcum designabatur, toti exercitu manifestum faceret, sua solius potentia siccari Jordanis alveum, et ingressum in Palæstinam patefieri. Tertiam ex ipso loco Scripturæ jam cit. desumptam, dat S. P.

Aug. Q. 2 in Josue dicens: *De longe jussum est arcum præcedere, ut posset a populo videi: tam grande quippe agmen, si post eam proximum pergeret, non eam vide-ret præire, nec nosset qua sequeretur.*

Cap. IV, jussu divino duodecim lapides e fundo Jordani ad posterorum memoriam auferuntur, et ponuntur in Galgalis; aliisque duodecim in ipso Jordani alveo, ubi arca steterat, eriguntur: que omnia, cum particularem non contineant difficultatem, sola lectio indigent.

CAPUT V.

Timore percelluntur Chananaei. Circumcisio fit in Galgalis, et Pascha celebratur; deficit manna ubi de fructibus terræ edunt; Angelus Domini appetet Josue.

QUESTIO UNICA. — QUO SENSI MANDET DEUS JOSUE, UT SECUNDO CIRCUMCIDAT FILIOS ISRAEL.

Vers. 2: *Eo tempore ait Dominus ad Josue: Fac tibi cultros lapideos. Aserit Tirinus quod hebraice habebatur: Cultros valde acutos. Sed mihi recte: nam vox hebraica Hurim propriè significat petram, ut habet editio Pagnini correcta per Ariam Montanum. Similiter LXX vertérunt, cultros petrinos.*

Neque novum est accuire petras seu silices, ut pro cultris adhibeantur: unde Indi occidentales, arte acciunt petras, quibus scindunt tanquam ferro. Habet hoc exemplum in Scriptura et mysterium: exemplum, quia Exod. IV Sephora uxor Moysis tulit acutissimam petram, et circumcidit filium: mysterium autem in eo, quod dicitur I Cor. X: *Petra autem erat Christus.* Nam per cultros petrinos ille significabatur, per quem sit in nobis circumcisio non carnis, sed quæ per eam significabatur circumcisio cordis. Unde S. P. Aug. Serm. 141 de Temp.: *Circumcisio siebat ex cultellis petrinis, quia petra erat Christus.* Licet autem hic Josue ex mandato Dei cultris petrinis circumcididerit filios Israel; tamen hoc non obstante, existimat D. Thom. 3 p. q. 70, a. 3, ad 2, quod cultellus lapideus non esset de necessitate circumcisionis. Et ita etiam sentiunt alii plurimi interpres, ut Hugo Victorinus, Abulensis, Serarius, Tirinus, etc. Imo, S. Justinus in Dial. cont. Tryphonem testatur Judeos sua aetate usos cultro ferre.

Et circumcidit secundo filios Israel. Impossibile est eundem hominem secundo circumcidiri. Unde sensus est: Instaura morem circumcidendi, primo inchoatum a patribus vestris, et continuatum perpetuo a posteris usque ad egressam de Ægypto, nunc autem longo tempore in deserto intermissum.

Ad primum autem in terram promissionis ingressum, voluit Deus omnes circumcidiri, ut pio hoc ritu inchoarent possessionem terre illius, et ut statim possent comedere pascha, qui præfixus erat dies de cimus quartus jamjam imminens.

P. quis fuerit vir ille, quem ¶ . 15 vidit Josue stantem contra se, tenentem evaginatum gladium.

R. quod fuerit princeps exercitus Domini seu israeliticæ, ut patet ex ¶ . 14, qui belli cum Chananaeis inchoandi a Deo nuntius veniebat, et adjutor

populi israelitici. Exercitus autem Israel hic videtur appellari exercitus Domini, quia a Deo mittebatur ad faciendam vindictam de iniuritatibus Chananaeorum.

Quod hic fuerit archangelus Michael, communiter censent interpres. Hinc dicitur Danielis X, 21: *Nemo est adjutor meus in omnibus his, nisi Michael PRINCEPS VESTER.*

Cap. VI, narratur eversio urbis Jericho, cujus muri undique corrunt, et incolæ omnes occiduntur, sola Rahab cum suis salva. Reædicator urbis a Josue maledicitur, que maledictio, hic propheticæ predicta impleta fuit III Reg. XVI, 34, ubi legitur quod tempore regis Achab quidam malignus nomine *Hiel de Bethel* jacens fundamenta Jericho, statim perdiderit filium stum primogenitum, nomine *Abiram*: deinde pergens illam reædificare, ex ordine perdidit cæteros usque ad ultimum, nomine *Segub*, quem amisit dum portas urbis locabat. Et sic verificatum est, quod in primogenito fundamenta urbis Jericho jecerit, et in novissimo liberorum suorum portas ejus posuerit, uti hic ¶ . 26 a Josue predictum fuit.

CAPUT VII.

Propter furtum Achan ex spoliis Jerichontinis, seu potius ex anathemate cæditur populus Israel ab Haenibus. Achan sorte deprehensus, jussu Dei lapidatur; et omnis familia, omnisque suppellex ejus flammis absuntur.

QUESTIO PRIMA. — CUR ET QUOMODO PRÆVARICATIONEM UNUS ACHAN DEUS VINDICAVERIT IN ALIIS.

Vers. 1: *Filiæ autem Israel prævaricati sunt... nam Achan... tulit aliquid de anathemate: id est de eo quod destruendum erat in Dei honorem, aut ei consecrandum. Unus Achan id fecerat, illius tamen unus furtum per synedochem adscribitur toti societati, et corpori, puta populo Israel cuius ipse pars erat: ac proinde continetur hic enallage seu permutatio numeri, eo loquendi modo quo dicitur Matth. XXVI de unguento effuso super caput Jesu: *Videntes discipuli indignati sunt, etc.*; cum unus solus Judas id indigne tulerit, Joan. XII. Nisi quis dicere malit, domesticos Achan fuisse particeps sceleris, sive ei operam ferendo in congerendis et occultandis iis, quæ sacrilegio abstulerat, sive facta illius suo assensu approbando.*

¶ . 2: *Cumque mitteret Josue de Jericho viros contra Hai, Oppidum hoc erat Amorrhæorum, et proterea dixerat Josue ¶ . 3: Non ascendet omnis populus, sed duo vel tria millia virorum pergent. Nolebat enim omnem populum frustra vexari contra hostes paucissimos.*

¶ . 5: *Et corruerunt ex eis triginta sex homines.* Furtum unus Achan punit Deus cæde triginta sex hominum, et fuga trium millium. Unde

Quærerit S. P. Aug. Q. 8 in Josue, quomodo justè prævaricatio unus in aliis vindicetur; cum in lege dictum sit (Deut. XXIV): *Nec patres pro filiis, nec filios pro*

patribus punies : et pro solutione insinuat, legem illam judicibus hominibus datam esse, quibus proinde prohibetur, ne ipsi alterum pro altero puniant, sed unumquemque judicent secundum propria demerita.

Ubi Dominus propter prævaricationem Achan permiserat in fugam converti tria millia, et ex eis triginta sex ab hostibus occidi, ¶ 5 : Pertinuit cor populi, et instar aquæ liquefactum est. Quæ scilicet, inquit Menochius, facillime cedit, huc illucque fluctuans, ita qui animo consternati sunt, malis cedunt, animo fluctuant.

¶ 6 : Josue vero scidit vestimenta sua, et pronus cecidit in terram coram arca Domini usque ad vespeream. Cum Josue non esset sacerdos, sed princeps politicus, sanctum sanctorum ei ingredi non licebat; unde dicens est, eum orasse pronum ex proximo, quo poterat, loco, obversum ad locum arcæ. Ita exponunt plures recentiores interpres.

Dicendum tamen potius, quod arca fuerit extra tabernaculum : cum non videatur tabernaculum fuisse erectum eo tempore, quo continuo præliabantur ; atque adeo non fuerit necesse intrare sanctum sanctorum, ut coram arca oraret.

¶ 7 : Utinam ut cœpimus, mansissemus trans Jordanem. Hoc voto non videtur Josue deliquesse, quia ex magno et pio affectu illa verba protulit, non vero ex incredulitate promissorum Dei, sicut murmuratores aliquoties in deserto similia protulerunt dicentes : Utinam mansissemus in Aegypto. Unde cum non reprehendatur a Deo, quasi inconsulte et imprudenter fuisset locutus : nihil aliud significare voluit, quam quod pro tempore melius forsitan fuisset tantisper manere trans Jordanem, quam per istam cladem exponi iudicio hostium. Et ideo persistit in oratione dicens ¶ 9 : Et quid facies magno nomini tuo? Quasi dicat : Ita futurum est, si nos fugent hostes, ut nomen tuum blasphemetur, dum dicent : Ecce non potuit præstare Deus ille sua promissa. Unde et notandum, quod Josue hic in sua oratione imprimis ante oculos habuerit glorificationem nominis Dei.

Respondit autem Dominus Josue ¶ 11 : Peccavit Israel, furati sunt atque mentiti. Cum Achan non legatur mentitus, nisi prævaricando preceptum cap. VI, 18, a Josue datum : volunt aliqui hinc probare quod ille, qui proximo detraxit, verum crimen manifestando, possit istis, qui audiverunt, ut famam restituat, dicere : Hec dicendo mentitus sum, id est prævaricatus sum legem Dei. Sed si id possit dicere sine mendacio, poterit similiter dicere : Falsum dixi; et sic illud quod verum est, dicet esse falsum. Item si illud liceat, non dabitur modus restituendi famam ablatam per impositionem falsi criminis : nam qui istam methodum sciunt, non credent detractori, qui imposuit falsum crimen dicenti : Mentitus sum.

Cum autem non omnia scripta sint quæ gesta sunt, fieri potuit, ut Josue post eversionem urbis Jericho petierit, an nullus prævaricatus fuisset mandata, et tunc Achan mentitus fuerit.

QUÆSTIO II. — QUA RATIONE SACRILEGUM ACHAN DETECTUM FUERIT.

Vers. 14 : Accedetis mane singuli per tribus, et quacumque tribum sors invenerit, etc. Hinc patet, non solum instinctu, sed et jussu divino adhibitas hic fuisse sortes, quo casu non tantum licitum, sed et infallibile est tale scrutinium. Alioquin jure tam ecclesiastico, quam civili, merito prohibitum est sortes adhibere ad detegendum furtum, scortationes, vel alia crimina ab incerto auctore commissa, item ad Ecclesiæ presulæ eligendos.

¶ 15 : Et quicumque ille in facinore fuerit deprehensus, comburetur cum omni substantia sua. Deprehensus autem est Achan, cuius genealogia hic describitur, ut augeatur ejus infamia.

Vers. 20 : Vere ego peccavi Domino. ¶ 21 : Vidi enim inter spolia pallium coccineum, seu purpureum, Pagninus ex hebreo vertit : Pallium babylonicum; nam vox hebreæ addereth vestem, non quacumque, sed splendidam et magnificam, designat.

Et ducentos sicos argenti, regulamque auream quinquaginta sictorum. In Hebreo habetur : Lingua auream quinquaginta sictorum, id est laminam auream, in formam linguae fusam vel extensam, quæ ponderabat et valebat 50 siciis.

Queri potest an Achan sit damnatus.

Dubit S. P. Aug. Q. 9 in Josue. Affirmat Cassianus, item Concilium Aquisgranense celebratum sub Pipino. Eum tamen salvatum esse ob insignem penitentiam, et sceleris humilem confessionem, existimat Abulensis, Masius, Cajetanus, aliique recentiores cum rabbinis.

QUÆSTIO III. — QUOMODO HEBREI LAPIDAVERINT SACRILEGUM ACHAN, CUM DEUS JUSSERIT ILLUM IGNE COMBURI.

Vers. 25 : Lapidavitque eum omnis Israel. Difficilis est ad conciliandum hunc versum cum versu 15 Q. 2 citato, ubi jubetur igne comburi. S. P. Aug. Q. 9 in Josue supponit Achan non esse combustum, sed lapidatum, dicente per poenam ignis intelligi posse quacumque poenam, adeoque et lapidationem. Videtur autem S. doctor in eam sententiam abivisse eo quod in codice LXX Interp. quo usus fuit, hic ¶ 25 nulla fieret mentio combustionis, cuius tamen mentio fit in hebreo.

Unde conformiter ad textum hebraicum nonnulli alii facilius et pianius responderi posse putant, Achan et lapidatum fuisse et combustum. Serarius existimat prius vivum combustum, et postea in cadaver lapidibus sœvitum.

Masius et lapidatum et exustum vivum arbitratur. Dum, inquit, deducitur, dum rogas struitur, incendiatur, consceditur, populus placandi Numinis avidus, a projiciendis lapibus non continuit manus.

Atamen verisimilius est, quod ex S. Hieron. lib. I cont. Pelag. 1 cap. 12, in hunc locum docet Estius, scilicet ipsum Achan cum filiis et filiabus suis fuisse

CAP. IX. QUÆST. I.

lapidatum, et deinde ipsorum cadavera cum ipsorum boibus, asinis, ovibus, tabernaculo, et omni suppelletili ac universa, quam habebant, substantia, fuisse igne combusta.

Ratio est 1 : quod nullibi in lege statuatur vivi comburum in poenam alicujus criminis, etiam gravissimi ; et ex consequenti patet, sacrilegos et blasphemos fuisse lapidatos, nullos vero combustos vivos.

2. Quia ¶ 25 dicitur : Lapidavitque eum omnis Israel, et cuncta quæ illius erant, igne consumpta sunt. Ubi facit apertam distinctionem inter Achan, vivum lapidatum, et ejus bona igne consumpta; ergo licet boves ejus, asini et oves, vivi combusti sint, non tamen Achan vivus combustus est.

3. Idipsum etiam clare insinuat textus hebraicus, in quo ita habetur : Et obruerunt eum omnis Israel, lapide, et combusserunt eos in igne : et lapidaverunt eos lapidibus, et erexerunt super eum acervum lapidum. Similiter etiam exponit Paraphrasis chaldaica, in qua legitur hoc modo : Et lapidaverunt omnis Israel lapidibus, et combusserunt eos in igne postquam lapidaverunt eos saxis.

Itaque ad ¶ 15 dicendum est, verba illa : Combureretur igni, non esse intelligenda : Vivus comburetur, sed, poena lapidationis plexus, comburetur cum omni substantia sua.

P. quare non tantum Achan, sed etiam ejus filii lapidati et combusti sint.

R. Id ideo factum esse, ut salutari metu castra Israel percellerentur, et a simili crimine deterrenterentur : Deus enim est absolute Dominus vitæ omnium, etiam innocentium. Interim non improbabiliter quoque dici posset, filios observasse quid pater ageret, eoque velut insigni emolumento delectatos fuisse, vel ad istud furtum aliquo modo concurrisse, et sic etiam ob propriam culpam periisse.

Si tamen propter defectum ætatis, aut ignorantiae facti, sceleris participes non fuerint, ad majorem punitionem criminis paterni occisi sunt.

CAPUT VIII.

Josue metum fugamque simulans, Hajenses ad se insequendum ex urbe elicit; atque ea expugnata, regem ejus suspedio necat. Deuteronomium lapidibus inscribit, ac benedictiones legis observatoribus promissas, et maledictiones prævaricatoribus communatas, in montibus proclamari jubet.

QUÆSTIO UNICA. — CUR JOSUE SIT JUSSUS CLYPEUM IN ALBUM TOLLERE.

Vers. 2 dicit Dominus Josue : Pone insidias, etc. An et quomodo liceat insidiari hostibus, fugam simulare, etc.; petendum est ex theologia.

¶ 18 : Dixit Dominus ad Josue : Leva clypeum, qui in manu tua est, contra urbem Hai. LXX etiam translaterunt : clypeum; sed chaldaeus et recentiores, inter quos Pagninus, vertunt hastam seu lanceam. Et revera vox hebraica Kidon dicitur utrumque significare. Unde

Probabile est, quod observarunt Theod. et Abu-lensis, Josue clypeum suum hasta in altum sustulisse, ut ex loco insidiarum conspici procul posset, si gnumque haberent illi, quo admonerent urbem, jam hostibus vacuam, invadere : quo viso, statim exierunt, ut patet ex textu.

Erat præterea haec clypei a Josue elevatio signum praesentis auxili, virtutis, et ultionis divinae, sicut et elevatio manuum Moysis contra Amalekitas, Exod. XVII. Unde continuavit Josue in altum extollere lanceam et clypeum, quoque inimici plane deleti forent (ut dicitur ¶ 26), ne scilicet retrahendo manum victoriam populi Dei remoraretur, aut præscinderet.

CAPUT IX.

Gabaonitæ ut immunitatæ suæ consulant, simulantes sese exterios et longinquis, pacem a Josue et principibus Hebreorum dolose impetrant : incante eis jurantes Hebrei, etiam fraude detecta, eis parcunt, subsecuto tamen populi murmur, perpetuo servitio eos addicunt.

QUÆSTIO I. — QUA CALLIDITATE GABAONITÆ AB HEbreis MEDIANTE JURAMENTO, INCOLUMITATEM ET VITÆ SUE CONSERVATIONEM OBTINERINT.

Vers. 1 : Quibus auditis, scilicet strage et excidio per Hebreos Jerichontinis et Hajensibus illatis, cuncti reges trans Jordanem... ¶ 2 : congregati sunt pariter, ut nempe unitis copiis Israelitas fortius expugnarent.

V. 3 : At hi qui habitabant in Gabaon. Hæc civitas describitur cap. seq. ¶ 2 : Urbs magna erat Gabaon, et una civitatum regalium, et major oppido Hai, omnesque bellatores ejus fortissimi. Addit S. Hieron. in locis hebraicis, fuisse metropolim Hevæorum, juxta Rama in sorte tribus Benjamin, pro levitis postea separata.

¶ 4 : Et callide cogitantes, tulerunt sibi cibaria. Sic etiam textus hebraicus habet, si legatur iitstaiadu pro iitstaiaru. Unde hebreus textus mendose legit juxta versionem Pagnini legatos se ostenderunt, et juxta translationem Ariæ Montani finxerunt se legatos. Tantam diversitatem fecit permutatio litteræ d et r, quæ duas litteræ in hebreo adeo sibi similes sunt, ut vix dignosci possint.

Saccos veteres (cibariis aliquis rebus ad iter necessariis repletos) asinis imponentes. Etiam hic mendosa exemplaria graeca legunt : Humeris imponentes. Observavit hoc S. P. Aug. Q. 12 in Josue dicens :

Nonnulli codices, et græci et latini, habent : « Et accipientes saccos veteres super humeros suos ». Alii vero, qui veriores videntur, non habent « Super humeros, » sed, « Super asinos suos. » Similitudo enim verbi in lingua graeca mendositatem facilem facit, et ideo latina quoque exemplaria variata sunt ; ονον, ομον, κιππε et θων ονον, non multum ab invicem dissonant, quorum prius humerorum nomen est, posterius asinorum. Pergit S. doctor assignare rationem : Ideo est autem de asinis credibilius, quoniam se a sua gente longinqua mis-